

Met haluama saa Ruottin kunthoon – koska Ruotti saattaa paremin. Paljon paremin.

Met haluama saa Ruottin kunthoon – koska Ruotti saattaa paremin. Paljon paremin.

On olemassa yks Ruotti missä sana syrjäytymisalue on vietty histuurihaan, koska ei ole enää yhtään aluetta joka kokkee sosiaalista syrjäytymistä. Yks Ruotti ilman jengiväkivaltaa ja klaanivaltaa, missä laki ja tasa-arvoisuus koskee kaikkia.

Missä puliisi tulee kun soittaa ja ei astu syrjään kun on tiukka paikka. Missä rikolisuusuhrit, ei rikoliset, saavat oikeustukea ja vahinkonkorvausta. Missä sie saatat olla turvassa kun sie olet ulkona koska rikoliset istuvat fankilassa.

On olemassa Ruotti missä kaikki lapset saavat nähä omat vanheemat mennä töihin. Missä aina kannattee tehä työtä ja tehä parhaiman. Missä saura työnteko ja ahkeruus voittaa yli pettämistä ja kehuista mutkitteluista, ja missä hyvinvoinin verkkosuoja on niille jotka tarttevat sitä.

Se on Ruotti missä koulu on turvalinen paikka tiolle ja luokkareisuile. Missä kaikki lapset saavat varhain oppia hyvän ruottin. Missä lapset ja vanheemat saavat itte valita, ja ei yhtäkhään oppilasta kvuteerata eli pakkokuljetethaan.

Se on Ruotti missä ei kukhaan saa ahistusta kun aukasee sähköräkinkin. Missä sie joka tarttet kulkea vähän matkaa ette kuljettaa sinun lapsia jalkapalloträäninkhiin eli mysikkikouhluun on vara käyttää biiliä vaikka se toimii bensiinilä eli sähkölä.

Se on Ruotti missä klimaattismaarti yinvoima antaa puhasta, tasasta ja halpaa sähköä, ja missä vieminen öljyvoimalaitos on suljettu. Missä miljöörosvot maksavat omansa, mutta sie saatat käyttää plastipussia kun sie tehet viikko-ostokset.

Tämä Ruotti on ulottuvuessa – kun vain on tahto ja tarmo ette tehä sen mitä tartethaan. Moderaatila on sekä tahto ette tarmo.

Nyt met panema Ruottin järjestyksheen.

Meänkieli

Nyt met saama Ruottin kunthoon



Näin met saama turvaliseman järjestyksen:

- lissää puliisia, paremat puliisipalkat ja maksettu puliisikoulutus
- suuremat oikeudet puliisile, kuten visitasjuunisuunia millä saathan asheita taltheen
- anonyymit toistajat, ette ihmiset tohtivat toistaa rikolisia vasthaan
- ulosajjaa ulkomaalaisia kansalaisia jotka tekeävt krouvvia rikoksia Ruottissa
- kovemat rangastukset, poistettu määräälenus ja poistettu rangastusvähenys rikolisile yli 18 vuotta

Näin met saama työt järjestyksheen:

- matalampi työverotus, olletikki mataloile ja keskikorkeile tuloile
- biitraakikatto sillä tavala ette työ pittää aina kannattaa
- vaatimus vastaavasta prestasjuunista siltä joka saapi biitraakia
- laskettu pansunäärin vero – se pittää kannattaa ette on ollu töissä
- kansallinen kansanräknäys, jolla taistelee rikolisuutta ja syrjäytymistä vasthaan

Näin met saama kunthoon ekonomiin:

- ei kiinteistöverhoon ja muihin perheitten lisäkostanukshiin
- matalampi bensiiini ja diiseli vero
- matalampi vero kun säästää (investeerinkikonttu, ISK)
- paremat eelytykset yrityksile ja vähemin sääntökrongelia
- järjestys ja korju julkisissa finansissa

Näin met saama klimaatin ja sähkötarpheen järjestyksheen:

- uuvan yinvoima satsauksheen – joo fusiilivaphautta, ei ryssän kaasule ja öljyle
- puhtaat kuljetukset sähkövoimala ja lattausinfrastyktyrillä
- vahvistettuja teolisueen maholisuuksia muuttaa ja eksporteerata pienelä klimaattijäljelä
- klimaattituen lissäys
- kansanvälinen yhteistyö, olletikki EU:n sisälä

Näin met saama inttekrasjuunin tomimhaan:

- tiukka maahanmuutto, ja ulosajo sille jolla ei ole oikeus olla Ruottissa
- selvä työlinja ja korkeat vaatimukset oppia ruottia
- kielitarkastus BVC:ssä ja pakolinen kieliesikoulu
- kysiininaintin kielto, ja tiukemat rangastukset väkivallasta ja sorrosta joka on kunnihaan liitetty
- klaanioikeuvenkäynin kielto ja erikoinen puliisin klaaniyksikkö

Näin met saama koulun järjestyksheen:

- pääpaino mitathuin tiethoin ja lissää opetusaikaa
- selvemät oikeudet opettajile ja rehtorile ette pittää rauhaa ja järjestystä
- puolustaa vappaa kouluvalintaa, mutta taistella vasthaan epävakavia aktööriä ja fyskiä
- yks keskheinen laitos joka tarkistaa kansalaisia pruuvia, se vastustaa betyynki-inflasjuunia
- topata kvuteerinkia ja lasten kuljetusta kehnoihin kouhluin